

Jān Būreejtōn  
Dieter F. Uchtdorf

Rikapilōklōk eo Kein Karuo  
ilo Būreejtōnji eo Kein Kajuon



# Jemed, Ad Rūkaki

**E**mōj ke aṅ kōppeḷḷok juon boḡok elōñ baat ko rejeplōklōk ilowaan, kadiwōj namōjtak peba in kōmeḷeḷe eo ṅan karōki, im ḷōmṅak, “Āinwōt menin ejjab jimwe?”

Jet iien, jej kōjekdḡon kōtmāne ko ad remṅantata im lōke eo ad make, jej kadiwōj namōjtak baat ko rejeplōklōk im kajjitōk, “Mōttan eo ej jermal ṅan ta?” ak “Elmen an naaj baat in eḷḷaak?”

Ad inepata ej ḷapḷok ilo ad kalimjōke boḡok eo im kile juon naan in kōmeḷeḷe ie ej ba, “ṅan karōk baat ko ej aikuj—bwe armej eo en 8 iio im rūttoḷok.” Kōnke ejaṅin wōr ad meḷeḷe kilen karōki, menin ejjab maroñ kōḷapḷok lōke eo ad ak bōklōkōt eo ad emṅan.

Jet iien, ej wōr ad eja kain eṅjake in ilo gospel in. Ilo ad kalimjōk jet iaan baat ko rejeplōklōk an mōṅakjen eo, jemaroñ kūrj bōrad im ḷōmṅak baat eo ej jermal ṅan ta. Ak ilo ad etale bar juon baat, jemaroñ kile bwe meñe ālkin ad kajjieoñ lukkuun meḷeḷe, jej jab maroñ jeḷā etke baat eo ekar kobatok.

## Jemedwōj Ilañ ej Ad Rūkaki

Ilo mool, Jemedwōj Ilañ ekar letok ṅan kōj kōmeḷeḷe ko remṅan ṅan karōk mour ko ad im kobaiki ippān doon men ko remṅan tata ippād. Kōmeḷeḷe kein rej jermal mekarta jete ad iio ak jekjek eo jeped ie. Ekar letok ṅan kōj gospel eo im Kabuñ eo an Jisōs Kraist. Ekar letok ṅan kōj karōk in pinmuur eo, karōk in ḷomḡor eo, aet karōk in mōṅḡōḡ eo.

Ejaṅin kōmakeḷok kōj make kōn aolep nūrbōktak kein ak apañ kein an mour, ba, “Eñ ṅe waj. Jeraamṅan. Pukōt kilen.”

Eḷaṅne jenaaj kijenmej wōt im reilok kōn juon bōro ettā im juon bōro einemṅan, jenaaj loe bwe Anij ekar letok ṅan kōj elōñ kein jermal ko remṅanḷok ṅan meḷeḷe kōmeḷeḷe ko An reppen ṅan mōṅḡōḡ eo ad ilo mour in:

- Ekar letok ṅan kōj menin letok eo ejeḷok wōṅāan Jetōb Kwojarjar eo, eo ewōr an jibadbad ṅan erom mōttad, rijipañ eo ad jān lañ ilo ad katak naan ko an Anij im kajjieoñ bōktok ḷōmṅak ko im mākūtūt ko ad im kajimweik ippān naan ko An.
- Ekar letok ṅan kōj 24/7 ad maroñ tōpar E ilo jar ko retōmak im wūjeḷok ko kōn bōro emool.
- Ekar letok ṅan kōj rijilok ro raan kein im rikanaan ro, ro rej kwaḷok naan ko an Anij ilo raan kein ad im ewōr ippāer mālim eo ṅan likwōj ak liāp jabdewōt men ioon laḷ im ilo lañ.
- Ekar kōjeḷaaktok Kabuñ in An—juon doulul in ritōmak ro rej jermal ippān doon ṅan jipañ doon ilo aer jermal e ḷomḡor eo aer make kōn mijak, wudidid, im lañlōñ āinjuon jān doon.<sup>1</sup>
- Ekar letok ṅan kōj jeje ko rekwojarjar—Naan ko An emōj aer jeje ṅan kōj.
- Ekar letok ṅan kōj elōñ kein jermal ko rekāal raan kein ṅan jipañ kōj ṅan erom rikaḷoor ro An. Elōñ wōt iaan kein jermal kein rekabwilōñlōñ maroñ loi ilo LDS.org.

Etke Jemedwōj Ilañ ekar letok ñan kōj eļap jipañ? Kōnke E ej iakwe kōj. Im kōnke, āinwōt E ekar ba Ippān Make, “Bwe lo, eñin ej jerbal eo Aō im aiboojoj eo Aō—ñan kakūrmoōl jab wabanban im mour indeeo an armej.”<sup>2</sup>

Ilo naan ko jet, Jemedwōj Ilañ ej ad Anij, im Anij ej juon rikakpilōklōk ñan kōj.

Jemed Ilañ ejeļā aikuj ko an ajri ro nejn eļapļok jān jabdewōt armej. Ej jerbal eo An in im aiboojoj eo ñan jipañ kōj aolep iaļ, letok ñan kōj jipañ ko rekabwilōñlōñ ilo ānbwin im jetōb ñan jipañ kōj ilo iaļ in ad ñan rōļļok ñan E.

### Aolep Baba rej juon Rūkaki

Ilo jet jikin ilo laļ in, baba ro rej utiej kōn baamļe ko im jukjukinpād ilo allōñ in Juun. Ej aolep iien emņman ñan nōbar im kautiej ro jined im jemed. Baba ro rej kōmņmane elōñ men ko ñan baamļe ko aer im ewōr ippāer mņwil ko remņman. Ruo iaan eddo ko relukkuun aorōk ewōr ippān baba ro ñan ajri ro nejier rej erom juon waanjoñok im juon rūkaki. Baba ro rej kōmņman eļapļok jān aer jiroñ ajri ro nejier ta eo ejimņwe ak ebōd; rej kōmņmane ijo eļapļok jān aer leļok juon bok in katakin ñan er im ļōmņak bwe er renaaj make lale ñan ñamejlan mour in ñan er make.

Baba ro im rej rūkaki ro an ajri ro nejier raiboojoj im rej kwaļok waanjoñok ko aer remņman wāween mour juon mour etiljek. Baba ro rej jāmin kōmakeļok ajri ro nejier ak rej mōkajļok im jipañ er, kajutak er ilo jabdewōt jikin rej okjak ie. Im jet iien ñe māletlet ej men eo elmakote, baba ro rej kōtļok bwe ajri ro nejier ren kakkōt, jeļā bwe ej wāween eo de in emņmantata bwe ren ekkatak.

### Kōj Aolep Rej Rūkaki Ro

Ilo an baba ro kōmņmane men in ñan ajri ro nejier make, jetōb in rūkaki ej juon men eo jej aikuj in leļok ñan ajri ro nejn Anij, mekarta joñan iiō eo aer, ia rej pād ie, ak jekjek rot. Keememej, ajri ro Nejin Anij rej ro jeid im jatid; kōj aolep rej juon wōt ilo baamļe eo indeeo.

Ilo wāween in, jen erom rūkaki ro—rej kōņaan in diwōļok im jipañ doon erom ro remņmantata. Kōnke jej ajri ro nejn Anij, ewōr ippād jibadbad ñan erom āinwōt E.

Iakwe Anij im ro mōttad, kōjparok kien ko an Anij, im ļoor waanjoñak eo an Kraist ej iaļ eo ejimņwe, eadik, im kamō-ņōņō ļok ñan imāan mejān jemedwōj ilañ im jinedwōj ilañ.

Eļāñne Anij in lañ ko otemjej ej lukkuun kea kōn kōj bwe E ej juon rūkaki ñan kōj, bōlen jemaroñ barāinwōt pukōt ļok ro mōttad, mekarta kil rot, armej rot, jekjek rot, kajin rot, ak kabuñ rot. Jen erom rūkaki ro rej imņwe im kōjeraamņman mour ko an ro jet—jab wōt ajri ro nejid ak barāinwōt aolep ajri ro nejn Anij ipeļaaikin laļ in.

### KAKEEMEMEJ KO

1. Lale Jerbal 13:52; Pilippai 2:12.
2. Lale Moses 1:39

### KATAKIN JĀN ENNAAN IN

Komaroñ in aikuj in jino kajjitikin ro kwoj katakin ļōmņak kōn juon iien me Jemedwōj Ilañ ekar katakin er. Innām komaroñ in kajjitōk ippāer ñan ļōmņak kōn wāween ko rej juon wōt ikōtaan iien eo im juon iien me rekar eñjake aer ekkatak jān baba ro aer ioon laļ in. Kajjitōk ippāer ñan je wāween ko rej juon wōt ilo wāween aer kar katakin. Komaroñ kajjitōk ippāer ñan kajjieoñ ļoor men eo raar je ilo juon kijejeto ñan erom juon waanjoñak ñan ro jet.

### AJRI RO

### Jipañ an Jemedwōj Ilañ

**K**ōnke Jemedwōj Ilañ ej iakwe kōj, E ekar letok ñan kōj elōñ kein jerbal ko, menin letok ko Ekar letok ñan kōj. Itulaļ rej jet iaan menin letok ko Ekar letok ñan kōj. Ewi wāween aņ maroñ kōjerbale menin letok kein ñan kōjeraamņman mour eo aņ im ñan kōjeraamņman ro jet?

kajoor an priesthood eo

jar

iakwe ro jet

rijilōk ro im rikanaan ro

jeje ko rekwojarjar



# Kaiñi ko im Bujen ko an Tampeļ

Tōmak, Baamļe, Deeor

*Kanooj jar ilo aņ ekkatak kōn katak in im pukōt ñan jeļā ta eo kwonaaj kwaļok. Ewi wāween naaj meļeļe “Juon Naan in Kean ñan Laļ in” kōļapļok tōmak eo aņ ilo Anij im kōjeraamņan ro kwoj mije ilo aņ loļok im katakin er? Ñan meļeļe ko reļļapļok, etal ñan relief society.lds.org*

Aolep kaiñi ko remenin aikuj ñan lōmņor im mour ijo eutieļ tata rej ekkeijel kōn bujen ko ippān Anij. “Kōmņmani im kōjparok bujen ko ej meļeļe in kālet ñan wūjlepļok kōj make ñan Jemedwōj ilo Lañ im Jisōs Kraist,” Linda K. Burton ekar ba, būreejtōn eo eutieļ an Doulul eo an Kōrā ro.<sup>1</sup>

Elder Neil L. Andersen jān Doulul eo an Joñoulruo Rijilōk ro ekar ba, “Irooj ekar ba, ‘Ilo kaiñi ko . . . kajoor in ainwōt anij ej waļok.’

“Ewōr kōjeraamņan ko rejenļok jān Anij ñan aolep armeļ ro rerreo me emōj aer peptaij, bōk menin letok an Jetōb Kwojarjar, im iien otemjeļok bōk kwojkwoj eo.”<sup>2</sup>

“Ñe emņman ro im kōrā ro rej etal ñan tampeļ,” Elder M. Russell Ballard ekar ba jān Doulul eo an Joñoulruo Rijilōk ro, “er rej jimor bōk menin letok kwojarjar eo kōn ejja kajoor eo wōt, eo ej kajoor in priesthood eo . . .

“ . . . Aolep emņman im kōrā ro ewōr aer maroñ ñan kajoor in ñan jipañ ilo mour ko aer make. Aolep ro raar kōmņman bujen ko rekwojarjar ippān Irooj im ro rej kautiej

bujen ko rekkar ñan bōk mardenļok ko an juon make, ñan maroñ kōjeraamņan jen enjeļ ro rej kwaļok, ñan kōnono ippān Anij, ñan bōk tarlep in gospel eo, im, eļap tata, ñan erom rijolet ro ippān ļok Jisōs Kraist aolep men ko ewōr ippān Jemen.”<sup>3</sup>

## Bar Jet Eoon Ko

1 Nipai 14:14; Katak im Bujen ko 25:13; 97:8; 109:22

## Bwebwenato ko remool raan kein emōj Jeiki

Ilo 2007, emān iiō ālkin an kar waļok juon mākūtūt in laļ ilo Peru, Elder Marcus B. Nash jān Jiljilimjuonñoul eo ekar ion branch būreejtōn eo Wenceslao Conde im kōrā eo pāleen, Pamela. “Elder Nash ekar kajitōk ippān Sister Conde ejet an ajri ro nejin reddik pād. Kōn juon ettōñ dikdik, ekar uwaak bwe jān emņman eo an Anij er aolep rekar maroñ lōmņor im emņman aer pād. Ekar kajitōk kōn mweo imōn Conde.

“‘Erub,’ liin ekar ba.

“ . . . ‘Im kiiō,’ Elder Nash ekar jeje, ‘kwoj ettōñ ilo ad kōnono.’

“‘Aaet,’ liin ekar ba, ‘Ikar jar im ij aenōmņman. Epād ippād aolepān men eo jeaikuj. Kōm aolep im pād, epād ippām ajri ro nejim, emōj am liāp ilo tampeļ eo, epād ippām Kabuñ in ekabwilōñlōñ, im epād ippām Irooj. Jemaroñ bar ekkal kōn jipañ eo an Irooj.’ . . .

“Ta eo kōn ad kōmņman im kōjparok bujen ko ippān Anij me ej letok ñan kōj kajoor eo ñan ettōñ ilo iien ko reppen, ñan ukōt iien eñtaan ko ñan anjo . . . ?”

“Jipañ eo ej Anij. Ad bōk kajoor in ej jān bujen ko ad Ippān.”<sup>4</sup>

## KAKEMEMEJ KO

1. Linda K. Burton, “Kajoor, Lañlōñ, im Iakwe ñan Kōjparok Bujen,” *Liaona*, Oktoba. 2013, 111.
2. Neil L. Andersen, “Kajoor ilo Priesthood eo,” *Kweilok eo Eļap*, Oktoba. 2013, 92.
3. M. Russell Ballard, “Men and Women in the Work of the Lord,” *Liahona*, Apr. 2014, 48–49.
4. Lale D. Todd Christofferson, “The Power of Covenants,” *Liahona*, May 2009, 19, 20–21.

## Ļōmņak kōn Menin

Ewi wāween an kaiñi ko an tampeļ im bujen kōkajoorļok im kōmaroñ kōj?